

tem solam videtur impetere illaſo corpore; tunc parentes agnoſcit animi pathemata. Hunc idiopathicum nominant: interdum ſoli nocere corpori credas; brevi tamen nec ipſi animo paritürum niſi principiis obſtes. Hic craſſitiei ſanguinis ſoboles, ejuſque circa venam porrarum ſtagnatio; ſympathicum dicunt. Si vim ſymptomatum ſpectes, ut à cauſis agnoſciſti duplicem, ab effectibus triplicem habeas. Simplex ineſt quibuſdam tritiſſima mœrorumque & metus abſque illà evidenti cauſa; facies ipſis auſtera, oculi ſqualidi, utplurimum demiffi, livor pallidus vel color plumbeus, corpus hiriſutum, ſapè nigrum, macrum, triſtigulumque; quamvis quibuſdam molle ſed oleagiноſum: omnia tuta timent, ſui ipſos tædet, taciturni utplurimum, interdum loquaces, aſt garruli æqualiter inſenſi, loca ſola tenebroſaque, jam ipſi mente tenebroſi, habitare amant. Uberes plurimi fundunt lacrymas, feminae frequentius; inſidiis undique circumveniri ſe rati, vitam quam odio habent ſpernunt, in deſperationem facillè proclives. Hæc ſpecies utriusque cauſa ſuperius enarrata indifcriminatim debet ortum. A læſione mentis oriunda, in pejus abit medelæ impatiens. Ab inſpiſſato ſanguine, propter tenſionem hypochondriorum, hypochondriaca dicta; flagellum Medicinæ audit, opprobriumque Medicorum. Quid ſi comitem dederit ſe delirium etiam ſine furore? Si non circa omnia ſemper ſenſu aberrant, aliquando unicam tantum circa rem modo deſipiunt, propoſiti tenaces acerrimi; nec ideo minùs prædicta patiuntur. Cave tunc ne intemperantiùs glificens morbus, nullum tandem modum reneat, furor enim ſeu mania, huius affectûs coronis & *αἴματι*; tunc ſacrum intactumque nihil ipſiſpites, ad ſummum evecta gradum materia morbiſica, effrenis per mediam capitis arcem irrumpit; omnia ſus deque vertit; nervos ſeros diſcipit, cogitque motus ſolitos & ordinatos dedicare; hinc blanda illa vis elatiſca in rigorem verſa, Epilepſiam mentitur, ſi non eſt vera; aut vires in immenſum evchit. Jam tunc non ſuſpicax & meticuloſus ut antea, nihil pertimeſcit, nemini diffidit. Cave potiùs ipſi ſidas; antea frigoris & caloris, doloriſque minimi vix patiens, nunc vulnera ne perſentiſcit quidem, ne dum verbera, brumam aut æſtum; quam jūmidis antea, cæteros lædendi, nunc tam ipſis nocendi avidus. Hæc abſque febre evenite vix credas? nihil tamen certius, monſtrum ſanè dignum Hercule, at neque ferro neque igne debellandum. Ipſius natalia inquire. Trium horumque morborum vel ejuſdem morbi graduum origo, depravata bilis: hæc quaſi ſal & condimentum humorum corporis. Cum ipſis legitime ſociata, hilaritatem, vigorem, alacritatem, acutiem mentis, memoriam, ingenium, ſuavitatem morum floridamque diatheſin præſtat. Uſurpato imperio facta domina, iracundos, feroces, truculentos facit; vitiata ſuſioſos. Naturam ipſius videtur tenere, qui eam oleo temperatam cum ſale volatili ſubacri dixerit. Illud ſal alkalino-ſulphureum credere eſt: omnia roderet, efferet, niſi tam ſapientii connubio frenaretur, lentore ſuo omnia inviſcaret oleum, niſi grano ſalis dilutus & diluce efficaci, fieret. Turgeat bilis, tali temperamento præditi, ii Melancholici proximi; ſpiſceſcat, oriſſica vaſorum, viſcra ac præcipuè hepar & lienem perreptantium, ocludit, tardat ſanguinis motum, ſtagnationis futura occaſio: hinc tenſiones hypochondriorum, hinc cardialgiæ, dolores circa ſcrobiculum cordis; pars enim qualibet eo propior periculo, quo viciniore. Actius ſe efferat ſal per vaſa means liberius, ſenſim vellicat ſibras vaſorum majorum, donec longis circuitibus tandem ad ultimas fibrarum propagines delatus, vaſa ſcilicet & lymphatica & nervos (extremos corporis reſceſſus) majores moliatum tumultus, ibi omnibus ſpaſmodicè affectis exultat ſerox baccaturque impotentius, niſi irritata mulceas, tarta promoveas, ſtrangulata liberaſ, rigida mollias, ſpiſſa diluas, juſtumque tandem reſtituas naturæ modum & æquabilitatem.

III.

BALNEUM multiplex, multiplex illius effectus; gladius anceps, qui læſerit improvidum, uni ſalus, alteri mors eſt. Elucendis primò membrorum ſordibus, corporique totius munditiæ ſervandæ adhibitur, docuit mortales cujus pretii eſſet. Puritatis vindex nunquam ſatis æſtimandus, omnes, Protuus, formas induens, multiplices ſe diffudit in uſus. Naturâ benignum, mediis ſe fluminibus in aprico conſpiciendum præbuit, totum alluens orbem ignorari noluit; quin & arte corrigi in omnium publicum commodum paſſum eſt. Verum naturæ ars emula, longè inferior, quocumque cecrent ſub iudice. Sola balnea aque ſeu fluviatilis, ſeu marinæ ſeu fontanæ aut putealis è terræ viſceribus ſcatulentis, aut cœleſtis in cyſternâ collectæ, naturalia audire debent. Cætera ex multo, oleo (quo utuntur Hiſpani frequentius) lacte, decoctis herbarum, radicum, fructuum, arte facta, opus artis habeto.

Inter priora, calida quædam reperire est; invenias & frigida. Utraque differunt adhuc inter se variis vel æstus vel frigoris gradibus. Hæc qualitates imminuunt quidem vel adaugent at non immutant anni tempestates diversæ: acceptas habent ut plurimum à mineralibus aut metallis intrâ viscera terræ delitescentibus, quorum naturam & virtutem referunt, inde illa, solidas partes rigidiores nata reddere, corporumque mineralis aut metalli quod adhuc continet, percussione, à Melancholicorum toto regimine exulent; illa dixeris naturalia, quæ nullâ ascititiâ energiâ prædita, suâ virtute se involvunt; ea, cæteris præcellentia, beneficâ simplicitate, multitudinem bonorum afferunt. Ea vis agnoscere quæ pura, sit & limpida, pellucida, levis, quæ legumina facili & celeriter concoquat, in alveo lapillis puris lavibusque & arenulis pleno manet; hæc si nullas aut paucas, longo tempore servata, forces deponat, omnibus antecellit; hæc fluidior, tenuior sensimque sine sensu durissima penetrare, emollire idonea & solvere, præsertim si igne admoto vires innatas juvenis; jugiter depluens gutta, cavat lapidem, duritiemque cogit deponere. Ut naturâ balnea calida multo sulphure admixto turgida, laxis nervis amica; sic spasmodice tensis in Melancholicis reperias stigia; emollientia potius arte effice; nitro plantis omnibus infixo sociari amat aqua, de sua levitate nihil amissura & refrigerium non leve solamenque partibus adustis & ardentibus illatura. Hæc balnea, ferociæ morbi leniendæ utilia ne dubites, bilis acridinem multum diluendo, mîpus austeram reddent; fluiditatem spissitæ & lentore impeditam, diluendo restituent, rigorem injectum fibræ seu solidis, alluendo flectent, solitæque dabunt elasticitæ frui; cutis ariditatem emolliendo, oleaginosam viscositatem, ipsi interdum extis adhaerentem, solvendo meatus & spiracula quæ pori dicuntur, recludent, viâque patenti dabitur fixæ sub cute inhærentibus effluviis, liberè exire. Non hæc sola, opæ balnei, effici credideris; altius intimiùsque penetrat flexilibus factis exterioribus, per extremitates vasorum quasi per cuniculos totidem subeundo perrepat, ad majora usque vasa, quæcumque transiit, omnia laxando, hostemque ad ultimos persequitur recessus; frænum injicit, novosque tumultus meditari vetat.

IV.

ORGANIS tuendis superstrata cutis, corpus omne circumvestit. Organum & ipsa, cuticula subternitur, sub ipsius tutelâ securior futura. Illa, parte suâ maximâ, textum reticulare est, ex fibrarum nervearum ultimis propaginibus præcipue constans. Interstitia cellulas haud immerito dixeris, quæ oleo crassiori plenæ, adiposæ nuncupantur. Hæc omnia indiscriminari poterant generis vasa cujuslibet; præcipua tamen annotaveris, quæ & sudorem & transpirationis insensibilis effluvia foras amandant. Horum ad uniuscujusque extremum, à latere invenias, (sicut in ripâ fluminis aut rivuli, planta palustris) altas radices injectis bulbis cujus caudex pilus; intervalla reliqua in superficie cutis exteriori, glandulis solitariis quibusdam, uvæ figuram referentibus, & papillis nervis, passim efflorescunt. Hinc commune & ultimum omnium involucrum Epidermis, foraminulis scætet ubique. Alia ex his libera remaneant excrementis foras amandandis, necessum est, juxta hæc, cætera pili trajiciunt. Textura Epidermidis squamea, staminibus sanè elasticis pendula. Sub his squamis, quasi sub valvis, latent plurima vasorum excretoriorum oscula. Patcant curato, ni perspirationem impedire vis. Cave ne aut foridus, aut stagnante excremento, aut rigiditate nimia squamarum prementium aut constrictione corrugatione oscula hæc occludantur. His præcavendis quid aptius aquâ simplice exsic circumfusa; partem aquæ, subiles teretes, flexiles, tenues, glabræ, motu perpetuo (qui fluiditas est) agitata, quicquid planè expertes. Quo purior aqua, eo saturari, seu imprægnari miscerive cum cæteris corporibus facili, quocumque volueris foramine minor, omnia subit; hinc inde disjicit partes, flecti & meatum permittere nescias; inde menstruum universale sola hucusque audit. Si cedant partes, blanditur ipsis undulatione oscillationis amulâ, alternisque flexu mutuo juvant elateris; inde si corporis Melancholici fibras alluerit oleo plenas viscoso & quasi saponacea (natura enim bilis saponacea) quæ aquâ, experientia teste, solvit, glutinosæ illius sordes brevi eluuntur, hiantque tandem perspirationis spiracula. Si hæc rigiditate squamarum clausa, admoto humore aquo brevi se solvent; si irritatione & vellitione, salis alkalini acris sulphureique à bile oriundi, illius auleos circumquaque investiendo & obvolvendo, vim obtundunt, sæpiusque eluendo, evacuandis illis anam præbent. Exterioribus laxaris paribus, crispatæ interiùs jam comprimuntur minis; en levaminis principium. Ast accipe plura. Adapertis cutis spiraculis, ipso pondere, quod immensum est, nisi

4

magna vis reniteretur intus, canaliculos inanes jam facile subit, aut nisi inanes, contactu emollienti, ampliando, quasi vacuos reddit, sibi que parat iter ad interiora. Quæ per myriades pororum seorsim in vasa irruerunt particulæ aquæ, agmine tandem facto, in communibus receptaculis coalitæ, ingressæ per venas, nunc ubique triumphature, similiter deferuntur per arterias ad ultimorum usque nervorum propagines, sic corpus permeare integrum, laxando possunt; testes urinæ in balneo copiosiores; sedatæ per hoc, alvi & abdominis inflammationes, Nephritides, Phrenitidesque; quin & rabies extinctæ profusus & celeriter. Ubique laxabit balneum, in solo autem cretissimo non laxaret? Omen absit.

SYSTEMATIS cujuslibet, lapis lydius experientia. Eam qui respuit, cæcus judicare vult colores; qui hanc rationis examini non subicit, mediâ in luce tenebras passat Ægyptias, nubemque & inania pro veritate capat; eò certius periculosiusque errans quò erroris securior. Veritatem in omnibus quæris? Experimentum rationi non absonet, ratio spondeat experimentum, sic se habet nostrum de Melancholiâ assertum, teste observatorum principe bonum, inquit, si morbis Melancholicis supervenerint varices aut Hamorrhoides; bona Dysenteria, felix Hydrops. Crises sanè, bilis vitio ex flavâ in atram versæ, tribuendæ; varicosum enim sanguinem, melancholiæ seu atræ bilis ut vocant, plenum esse, consentiunt Medici omnes; inde prurigines intolerandæ in partibus affectis, a credinis biliosæ signum haud dubium; in hamorrhoidibus hæc bilem prædominari quis neget, nisi ardores quos in ano & in viciniâ patiuntur ægri, ignoraverit? In Dysenteria saltem non negaverit bilem torrefactam intestina ulcerare, rodere miserabiliter, ad sanguinem usque lacerare; tanta est vis salino-sulphurei laticis, tamque horrida asperitas! Hæc tamen, ut & Hydrops, bona inquit Hippocrates, solvuntque morbum, quia cum sint evacuationi proxima, periculum non est amplius, ut fiant in partes nobiliores, decubitus, qui valde perimefendi in morbis Melancholicis; si enim in Caput, aut Maniam aut Epilepsiam procreant, nervos lacerando; aut Apoplexiam, si vasa sanguinea nimio impetu petat aut in lymphatica vasa insolentius irrumpat; rigescit enim ad minimum quicquid hujus non effugit contactus, si non ulceratur rumpiturque. Ordinem naturæ amicum posse restitui putasse nisi potenti diluente quod irritata, distenta, mulceat laxetque antequam dissiliant: ubinam autem ipsâ diluens potentius aquâ, quæ alvi profluvia huic morbo salutifera valet procurare, aut hujus evacuationis æmulam minimè contemnendam, per totum corpus diaphoresim? Nonne illa salitas carnes piscium aut exterorum animalium, aliquot dierum intinctu, eorum substantiam quâque versum penetrando, insipidas prorsus solet reddere? Cur non & corpus humanum, intus sale acerrimo salitum, lotionem frequenti edulcoraret? Nonne urinas ciet? An relaxatione solidorum, an commixtione suâ cum sanguine quâ fluidior evadat? Utroque modo id fieri negaverit nullus. Quid verò agendum in Melancholicis aliud quam fluentia dulciorque reddere liquida, solidorumque rigiditatem emollire, ductilia denique facere omnia? Corpora ubi quis purgare voluerit, fluxilia faciat oportet ait Hippocrates. Id si de aliquo, omnium maxime de Melancholico corpore veritati & experientiæ consonum. His etiam fretus illustris Cœus, monitos vult medentes omnes, uberius Melancholicos deorsum purgandos esse; fluxilibus nempe prius humoribus factis; non autem fortius aut vehementius ob cretissimi metum, utpote qui rigido jam firmiori saltem donentur partium tono, humorumque genere sæpius tenaci, contumaci fixioreque. Vis rem ipsam confirmatam à Rondeleto? Melancholici, inquit, potius cibi & balneis, aut potionibus & irrigationibus humectandi, quam horum corpora medicamentis purgantibus calefacienda & exsiccaanda. Sed hac super re litem derimit omnem Galenus: Interim, scribit, monendi sunt amici, qui me curantem viderunt, frequentius balneis & victu humido & boni succi, nullo adhibito praesidio, hujusmodi me morbum curasse, humectatio namque longa, morbum huic & curat & evincit. His perpenfis quis non concludat

Ergo Melancholicis balneum.

Proponebat Parisiis, OTTO-CASIMIRUS BARFEKNECHT,
Cœsino-Pomeranus, Baccalaureus Medicus, A. R. S. H. 1731. à sexta ad meridiem.

Typis G. F. QUILLAV, Universitatis & Facultatis Medicinæ Typographi, 1731.

*Method. Med.
cap. de melan-
cholia.*

*Lib. 3. de lo-
cis affectis cap.
ultimò.*